

# 大方廣佛華嚴經卷第十六

于闐國三藏沙門 實叉難陀 譯

## 升須彌山頂品第十三

如來不離一切菩提樹下，上升須彌，帝釋莊嚴殿座請佛，並說十頌：

經中：妙勝殿上，敷置普光明師子座已，帝釋遙見佛來，曲躬合掌，『善來世尊！善來善逝！』受請入殿。忽然廣博，量等虛空。『一切閻浮提，皆言佛在中；我等今見

佛，住於須彌頂。』不起而昇也。（吞海集）

## 須彌頂上偈讚品第十四

法慧等十菩薩，從百剎塵外十華世界十月佛所而來。佛放兩足指光，十慧菩薩各說偈頌

~2~

十慧菩薩：法 慧 菩 薩 一 切 慧 菩 薩  
勝 慧 菩 薩 功 德 慧 菩 薩  
精 進 慧 菩 薩 善 慧 菩 薩  
智 慧 菩 薩 眞 實 慧 菩 薩

無 上 慧 菩 薩 堅 固 慧 菩 薩  
十 華 世 界：因 陀 羅 華 世 界 波 頭 摩 華 世 界  
寶 華 世 界 優 鉢 羅 華 世 界  
金 剛 華 世 界 妙 香 華 世 界  
悅 意 華 世 界 阿 盧 那 華 世 界  
那 羅 陀 華 世 界 虛 空 華 世 界  
十 月 佛：殊 特 月 佛 無 盡 月 佛  
不 動 月 佛 風 月 佛  
水 月 佛 解 脫 月 佛  
無 上 月 佛 星 宿 月 佛  
清 淨 月 佛 明 了 月 佛

~3~

一切法無生 一切法無滅 若能如是解  
諸佛常現前 法性本空寂 無取亦無見  
性空即是佛 不可得思量 若知一切法  
體性皆如是 斯人則不爲 煩惱所染著  
凡夫見諸法 但隨於相轉 不了法無相  
以是不見佛 (一切慧菩薩說) ~4~  
譬如闇中寶 無燈不可見 佛法無人說  
雖慧莫能了 (勝慧菩薩說)  
有諍說生死 無諍即涅槃 生死及涅槃

二具不可得 言語說諸法 不能顯實相  
平等乃能見 如法佛亦然 (智慧菩薩說)  
寧受地獄苦 得聞諸佛名 不受無量樂  
而不聞佛名 所以於往昔 無數劫受苦  
流轉生死中 不聞佛名故 (真實慧菩薩說) ~5~  
若見如來者 爲得大善利 聞佛名生信  
則是世間塔 (堅固慧菩薩說)

## 十住品第十五

爾時法慧菩薩承佛威力。入菩薩無量  
方便三昧。以三昧力。十方各千佛刹微  
塵數世界之外。有千佛刹微塵數諸佛  
皆同一號。名曰法慧。普現其前告法慧  
菩薩言。善哉善哉。善男子。汝能入是菩  
薩無量方便三昧。善男子。十方各千佛

~6~

刹微塵數諸佛。悉以神力。共加於汝。又  
是毘盧遮那如來往昔願力。威神之力。  
及汝所脩善根力故。入此三昧。令汝說  
法。為增長佛智故。深入法界故。善了衆  
生果故。所入無礙故。所行無障故。得無  
等方便故。入一切智性故。覺一切法故。  
知一切根故。能持說一切法故。所謂發

~7~

起諸菩薩十種住。善男子。汝當承佛威  
神之力。而演此法。是時諸佛。即與法慧  
菩薩無礙智。無著智。無斷智。無癡智。無  
異智。無失智。無量智。無勝智。無懈智。無  
奪智。何以故。此三昧力。法如是故。是時  
諸佛。各伸右手摩法慧菩薩頂。法慧菩  
薩。即從定起。告諸菩薩言。佛子。菩薩住

~8~

處廣大。與法界虛空等。佛子。菩薩住三  
世諸佛家。彼菩薩住。我今當說。諸佛子。  
菩薩住有十種。過去未來現在諸佛。已  
說當說今說。何者為十。所謂初發心住。  
治地住。脩行住。生貴住。具足方便住。正  
心住。不退住。童真住。法王子住。灌頂住。  
是名菩薩十住。去來現在諸佛所說。佛

~9~

子。云何為菩薩發心住。此菩薩見佛世尊形貌端嚴。色相圓滿。人所樂見。難可值遇。有大威力。或見神足。或聞記別。或聽教誡。或見衆生受諸劇苦。或聞如來廣大佛法。發菩提心。求一切智。此菩薩緣十種難得法而發於心。何者為十。所謂是處非處智。善惡業報智。諸根勝劣

~10~

智。種種解差別智。種種果差別智。一切至處道智。諸禪解脫三昧智。宿命無礙智。天眼無礙智。三世漏盡智。是為十。佛子。此菩薩應勸學十法。何者為十。所謂勤供養佛。樂住生死。主導世間。令除惡業。以勝妙法。常行教誨。歎無上法。學佛功德。生諸佛前。恒蒙攝受。方便演說

~11~

寤靜三昧。讚歎遠離生死輪迴。為苦衆  
生作歸依處。何以故。欲令菩薩於佛法  
中心轉增廣。有所聞法。即自開解。不由  
他教故。佛子。云何為菩薩治地住。此菩  
薩於諸衆生發十種心。何者為十。所謂  
利益心。大悲心。安樂心。安住心。憐愍心。  
攝受心。守護心。同己心。師心。導師心。是

~12~

為十。佛子。此菩薩應勸學十法。何者為  
十。所謂誦習多聞。虛閑寤靜。近善知識。  
發言和悅。語必知時。心無怯怖。了達於  
義。如法脩行。遠離愚迷。安住不動。何以  
故。欲令菩薩於諸衆生增長大悲。有所  
聞法。即自開解。不由他教故。佛子。云何  
為菩薩脩行住。此菩薩以十種行。觀一

~13~

一切法。何等為十。所謂觀一切法無常。一切法苦。一切法空。一切法無我。一切法無作。一切法無味。一切法不如名。一切法無處所。一切法離分別。一切法無堅實。是為十。佛子。此菩薩應勸學十法。何者為十。所謂觀察衆生界。法界。世界。觀察地界。水界。火界。風界。觀察欲界。色界。

~14~

無色界。何以故。欲令菩薩智慧明了。有所聞法。即自開解。不由他教故。佛子。云何為菩薩生貴住。此菩薩從聖教中生。成就十法。何者為十。所謂永不退轉於諸佛所。深生淨信。善觀察法。了知衆生國土。世界。業行。果報。生死。涅槃。是為十。佛子。此菩薩應勸學十法。何者為十。所

~15~



謂了知過去未來現在一切佛法。備集  
過去未來現在一切佛法圓滿過去未  
來現在一切佛法。了知一切諸佛平等。  
何以故。欲令增進於三世中心得平等。  
有所聞法。即自開解不由他教故。佛子。  
云何為菩薩具足方便住。此菩薩所備  
善根。皆為救護一切衆生。饒益一切衆

~16~

生安樂。一切衆生哀愍。一切衆生度脫  
一切衆生。令一切衆生離諸災難。令一  
切衆生出生死苦。令一切衆生發生淨  
信。令一切衆生悉得調伏。令一切衆生  
咸證涅槃。佛子。此菩薩應勸學十法。何  
者為十。所謂知衆生無邊。知衆生無量。  
知衆生無數。知衆生不思議。知衆生無

~17~

量色。知衆生不可量。知衆生空。知衆生  
無所作。知衆生無所有。知衆生無自性。  
何以故。欲令其心轉復增勝。無所染著。  
有所聞法。即自開解。不由他教故。佛子。  
云何為菩薩正心住。此菩薩聞十種法。  
心定不動。何者為十。所謂聞讚佛毀佛。  
於佛法中心定不動。聞讚法毀法。於佛

~18~

法中心定不動。聞讚菩薩毀菩薩於佛  
法中心定不動。聞讚菩薩毀菩薩所行  
法於佛法中心定不動。聞說衆生有量  
無量於佛法中心定不動。聞說衆生有  
垢無垢於佛法中心定不動。聞說衆生  
易度難度於佛法中心定不動。聞說法  
果有量無量於佛法中心定不動。聞說

~19~

法果有成有壞。於佛法中心定不動。聞  
說法果若有若無。於佛法中心定不動。  
是為十。佛子。此菩薩應勸學十法。何者  
為十。所謂一切法無相。一切法無體。一  
切法不可備。一切法無所有。一切法無  
真實。一切法空。一切法無性。一切法如  
幻。一切法如夢。一切法無分別。何以故。

~20~

欲令其心轉復增進。得不退轉無生法  
忍。有所聞法。即自開解。不由他教。故佛  
子。云何為菩薩不退住。此菩薩聞十種  
法。堅固不退。何者為十。所謂聞有佛無  
佛。於佛法中心不退轉。聞有法無法。於  
佛法中心不退轉。聞有菩薩無菩薩。於  
佛法中心不退轉。聞有菩薩行。無菩薩

~21~

行於佛法中心不退轉。聞有菩薩脩行  
出離。脩行不出離。於佛法中心不退轉。  
聞過去有佛。過去無佛。於佛法中心不  
退轉。聞未來有佛。未來無佛。於佛法中  
心不退轉。聞現在有佛。現在無佛。於佛  
法中心不退轉。聞佛智有盡。佛智無盡。  
於佛法中心不退轉。聞三世一相三世

~22~

非一相。於佛法中心不退轉。是為十。佛  
子。此菩薩應勸學十種廣大法。何者為  
十。所謂說一即多。說多即一。文隨於義。  
義隨於文。非有即有。有即非有。無相即  
相。相即無相。無性即性。性即無性。何以  
故。欲令增進於一切法。善能出離。有所  
聞法。即自開解。不由他教。故佛子。云何

~23~

為菩薩童真住此菩薩住十種業。何者  
為十。所謂身行無失。語行無失。意行無  
失。隨意受生。知衆生種種欲。知衆生種  
種解。知衆生種種果。知衆生種種業。知  
世界成壞。神足自在。所行無礙。是為十。  
佛子。此菩薩應勸學十種法。何者為十。  
所謂知一切佛刹。動一切佛刹。持一切

~24~

佛刹。觀一切佛刹。詣一切佛刹。遊行無  
數世界。領受無數佛法。現變化自在身。  
出廣大徧滿音。一刹那中。承事供養無  
數諸佛。何以故。欲令增進於一切法。能  
得善巧。有所聞法。即自開解。不由他教。  
故。佛子。云何為菩薩法王子住。此菩薩  
善知十種法。何者為十。所謂善知諸衆

~25~

生受生善知諸煩惱現起。善知習氣相續。善知所行方便。善知無量法。善解諸威儀。善知世界差別。善知前際後際事。善知演說世諦。善知演說第一義諦。是為十。佛子。此菩薩應勸學十種法。何者為十。所謂法王處善巧。法王處軌度。法王處宮殿。法王處趣入。法王處觀察。法

~26~

王灌頂。法王力持。法王無畏。法王宴寢。法王讚歎。何以故。欲令增進心無障礙。有所聞法。即自開解。不由他教。故佛子。云何為菩薩灌頂住。此菩薩得成就十種智。何者為十。所謂震動無數世界。照曜無數世界。住持無數世界。往詣無數世界。嚴淨無數世界。開示無數衆生。觀

~27~

察無數衆生。知無數衆生根。令無數衆生趣入。令無數衆生調伏。是為十佛子。此菩薩身及身業。神通變現。過去智。未來智。現在智。成就佛土。心境界。智境界。皆不可知。乃至法王子菩薩亦不能知。佛子。此菩薩應勸學諸佛十種智。何者為十。所謂三世智。佛法智。法界無礙智。

~28~

法界無邊智。充滿一切世界智。普照一切世界智。住持一切世界智。知一切衆生智。知一切法智。知無邊諸佛智。何以故。欲令增長一切種智。有所聞法。即自開解。不由他教故。爾時佛神力故。十方各一萬佛刹微塵數世界六種震動。所謂動。徧動。等徧動。起。徧起。等徧起。踊。徧

~29~

踊等偏踊。震偏震等偏震。吼偏吼等偏  
吼。擊偏擊等偏擊。雨天妙華。天末香。天  
華鬘。天雜香。天寶衣。天寶雲。天莊嚴具。  
天諸音樂。不鼓自鳴。放天光明。及妙音  
聲。如此四天下。須彌山頂帝釋殿上。說  
十住法。現諸神變。十方所有一切世界  
悉亦如是。又以佛神力故。十方各過一

~30~

萬佛刹微塵數世界。有十佛刹微塵數  
菩薩來詣於此。充滿十方。作如是言。善  
哉善哉。佛子。善說此法。我等諸人。同名  
法慧。所從來國。同名法雲。彼土如來皆  
名妙法。我等佛所。亦說十住。衆會眷屬  
文句義理。悉亦如是。無有增減。佛子。我  
等承佛神力。來入此會。為汝作證。如於

~31~



此會十方所有一切世界悉亦如是。爾時法慧菩薩承佛威力。觀察十方暨于法界。而說頌曰

見最勝智微妙身	相好端嚴皆具足
如是尊重甚難遇	菩薩勇猛初發心
見無等比大神通	聞說記心及教誡
諸趣衆生無量苦	菩薩以此初發心

~32~

聞諸如來普勝尊	一切功德皆成就
譬如虛空不分別	菩薩以此初發心
三世因果名為處	我等自性為非處
欲悉了知真實義	菩薩以此初發心
過去未來現在世	所有一切善惡業
欲悉了知無不盡	菩薩以此初發心
諸禪解脫及三昧	雜深清淨無量種

~33~

欲悉了知入住出 菩薩以此初發心  
隨諸衆生根利鈍 如是種種精進力  
欲悉了達分別知 菩薩以此初發心  
一切衆生種種解 心所好樂各差別  
如是無量欲悉知 菩薩以此初發心  
衆生諸果各差別 一切世間無有量  
欲悉了知其體性 菩薩以此初發心

~34~

一切有為諸行道 一一皆有所至處  
悉欲了知其實性 菩薩以此初發心  
一切世界諸衆生 隨業漂流無暫息  
欲得天眼皆明見 菩薩以此初發心  
過去世中曾所有 如是體性如是相  
欲悉了知其宿住 菩薩以此初發心  
一切衆生諸結惑 相續現起及習氣

~35~

欲悉了知究竟盡	菩薩以此初發心
隨諸衆生所安立	種種談論語言道
如其世諦悉欲知	菩薩以此初發心
一切諸法離言說	性空寂滅無所作
欲悉明達此真義	菩薩以此初發心
欲悉震動十方國	傾覆一切諸大海
具足諸佛大神通	菩薩以此初發心

~36~

欲一毛孔放光明	普照十方無量土
一一光中覺一切	菩薩以此初發心
欲以難思諸佛刹	悉置掌中而不動
了知一切如幻化	菩薩以此初發心
欲以無量刹衆生	置一毛端不迫隘
悉知無人無有我	菩薩以此初發心
欲以一毛滴海水	一切大海悉令竭

~37~

而悉分別知其數

菩薩以此初發心

不可思議諸國土

盡抹為塵無遺者

欲悉分別知其數

菩薩以此初發心

過去未來無量劫

一切世間成壞相

欲悉了達窮其際

菩薩以此初發心

三世所有諸如來

一切獨覺及聲聞

欲知其法盡無餘

菩薩以此初發心

~38~

無量無邊諸世界

欲以一毛悉稱舉

如其體相悉了知

菩薩以此初發心

無量無數輪圍山

欲令悉入毛孔中

如其大小皆得知

菩薩以此初發心

欲以寂靜一妙音

普應十方隨類演

如是皆令淨明了

菩薩以此初發心

一切衆生語言法

一言演說無不盡

~39~

悉欲了知其自性 菩薩以此初發心  
世間言音靡不作 悉令其解證寂滅  
欲得如是妙舌根 菩薩以此初發心  
欲使十方諸世界 有成壞相皆得見  
而悉知從分別生 菩薩以此初發心  
一切十方諸世界 無量如來悉充滿  
欲悉了知彼佛法 菩薩以此初發心

~40~

種種變化無量身 一切世界微塵等  
欲悉了達從心起 菩薩以此初發心  
過去未來現在世 無量無數諸如來  
欲於一念悉了知 菩薩以此初發心  
欲具演說一句法 阿僧祇劫無有盡  
而令文義各不同 菩薩以此初發心  
十方一切諸衆生 隨其流轉生滅相

~41~

欲於一念皆明達

菩薩以此初發心

欲以身語及意業

普詣十方無所礙

了知三世皆空寂

菩薩以此初發心

菩薩如是發心已

應令往詣十方國

恭敬供養諸如來

以此使其無退轉

菩薩勇猛求佛道

住於生死不疲厭

為彼稱歎使順行

如是令其無退轉

~42~

十方世界無量刹

悉在其中作尊主

為諸菩薩如是說

以此令其無退轉

最勝最上最第一

甚深微妙清淨法

勸諸菩薩說與人

如是教令離煩惱

一切世間無與等

不可傾動摧伏處

為彼菩薩常稱讚

如是教令不退轉

佛是世間大力主

具足一切諸功德

~43~

令諸菩薩住是中 以此教為勝丈夫  
無量無邊諸佛所 悉得往詣而親近  
常為諸佛所攝受 如是教令不退轉  
所有寂靜諸三昧 悉皆演暢無有餘  
為彼菩薩如是說 以此令其不退轉  
摧滅諸有生死輪 轉於清淨妙法輪  
一切世間無所著 為諸菩薩如是說

~44~

一切衆生墮惡道 無量重苦所纏迫  
與作救護歸依處 為諸菩薩如是說  
此是菩薩發心住 一向志求無上道  
如我所說教誨法 一切諸佛亦如是  
第二治地住菩薩 應當發起如是心  
十方一切諸衆生 願使悉順如來教  
利益大悲安樂心 安住憐愍攝受心

~45~

守護衆生同己心 師心及以導師心  
已住如是勝妙心 次令誦習求多聞  
常樂寂靜正思惟 親近一切善知識  
發言和悅離麤獷 言必知時無所畏  
了達於義如法行 遠離愚迷心不動  
此是初學菩提行 能行此行真佛子  
我今說彼所應行 如是佛子應勤學

~46~

第三菩薩脩行住 當依佛教勤觀察  
諸法無常苦及空 無有我人無動作  
一切諸法不可樂 無如名字無處所  
無所分別無真實 如是觀者名菩薩  
次令觀察衆生界 及以勸觀於法界  
世界差別盡無餘 於彼咸應勸觀察  
十方世界及虛空 所有地水與火風

~47~



欲果色果無色果 悉勸觀察咸令盡  
觀察彼界各差別 及其體性咸究竟  
得如是教勤脩行 此則名為真佛子  
第四生貴住菩薩 後諸聖教而出生  
了達諸有無所有 超過彼法生法界  
信佛堅固不可壞 觀法寂滅心安住  
隨諸衆生悉了知 體性虛妄無真實

~48~

世間刹土業及報 生死涅槃悉如是  
佛子於法如是觀 後佛親生名佛子  
過去未來現在世 其中所有諸佛法  
了知積集及圓滿 如是脩學令究竟  
三世一切諸如來 能隨觀察悉平等  
種種差別不可得 如是觀者達三世  
如我稱揚讚歎者 此是四住諸功德

~49~

若能依法勤備行 速成無上佛菩提  
從此第五諸菩薩 說名具足方便住  
深入無量巧方便 發生究竟功德業  
菩薩所備眾福德 皆為救護諸群生  
專心利益與安樂 一向哀愍令度脫  
為一切世除眾難 引出諸有令歡喜  
一一調伏無所遺 皆令具德向涅槃

~50~

一切眾生無有邊 無量無數不思議  
及以不可稱量等 聽受如來如是法  
此第五住真佛子 成就方便度眾生  
一切功德大智尊 以如是法而開示  
第六正心圓滿住 於法自性無迷惑  
正念思惟離分別 一切天人莫能動  
聞讚毀佛與佛法 菩薩及以所行行

~51~

衆生有量若無量 有垢無垢難易度  
法界大小及成壞 若有若無心不動  
過去未來今現在 諦念思惟恒決定  
一切諸法皆無相 無體無性空無實  
如幻如夢離分別 常樂聽聞如是義  
第七不退轉菩薩 於佛及法菩薩行  
若有若無出不出 雖聞是說無退動

~52~

過去未來現在世 一切諸佛有以無  
佛智有盡或無盡 三世一相種種相  
一即是多多即一 文隨於義義隨文  
如是一切展轉成 此不退人應為說  
若法有相及無相 若法有性及無性  
種種差別互相屬 此人聞已得究竟  
第八菩薩童真住 身語意行皆具足

~53~

一切清淨無諸失  
知諸衆生心所樂  
及其所有一切法  
遠得速疾妙神通  
於諸佛所聽聞法  
了知一切諸佛國  
超過佛土不可量  
隨意受生得自在  
種種意解各差別  
十方國土成壞相  
一切處中隨念往  
讚歎脩行無懈倦  
震動加持亦觀察  
遊行世界無邊數

~54~

阿僧祇法悉諮問  
言音善巧靡不充  
第九菩薩王子住  
煩惱現習靡不知  
諸法各異威儀別  
如其世俗第一義  
法王善巧安立處  
所欲受身皆自在  
諸佛無數咸承事  
能見衆生受生別  
所行方便皆善了  
世界不同前後際  
悉善了知無有餘  
隨其處所所有法

~55~

法王宮殿若趣入 及以於中所觀見  
法王所有灌頂法 神力加持無怯畏  
宴寢宮室及歎譽 以此教詔法王子  
如是為說靡不盡 而令其心無所著  
於此了知脩正念 一切諸佛現其前  
第十灌頂真佛子 成滿最上第一法  
十方無數諸世界 悉能震動光普照

~56~

住持往詣亦無餘 清淨莊嚴皆具足  
開示衆生無有數 觀察知根悉能盡  
發心調伏亦無邊 咸令趣向大菩提  
一切法果咸觀察 十方國土皆往詣  
其中身及身所作 神通變現難可測  
三世佛土諸境界 乃至王子無能了  
一切見者三世智 於諸佛法明了智

~57~

法果無礙無邊智 充滿一切世界智  
照曜世界住持智 了知衆生諸法智  
及知正覺無邊智 如來爲說咸令盡  
如是十住諸菩薩 皆從如來法化生  
隨其所有功德行 一切天人莫能測  
過去未來現在世 發心求佛無有邊  
十方國土皆充滿 莫不當成一切智

~58~

一切國土無邊際 世界衆生法亦然  
惑業心樂各差別 依彼而發菩提意  
始求佛道一念心 世間衆生及二乘  
斯等尚亦不能知 何況所餘功德行  
十方所有諸世界 能以一毛悉稱舉  
彼人能知此佛子 趣向如來智慧行  
十方所有諸大海 悉以毛端滴令盡

~59~

彼人能知此佛子 一念所備功德行  
一切世界抹為塵 悉能分別知其數  
如是之人乃能見 此諸菩薩所行道  
去來現在十方佛 一切獨覺及聲聞  
悉以種種妙辯才 開示初發菩提心  
發心功德不可量 充滿一切衆生界  
衆智共說無能盡 何況所餘諸妙行

~60~

## 大方廣佛華嚴經卷第十六

~61~